

صفية نصار

بركان حنان

أشعار

بالعامية المصرية

الطبعة الأولى مايو 2018

بطاقة الكتاب

عنوان المؤلف : بركان حنان
المؤلف : صفية نصار (شاعرة الجنوب)
التصنيف : أشعار
رقم الإيداع : 2018-10808
الترقيم الدولي : 978-977-6656-04-8
عدد الصفحات : 100 صفحة
رقم الإصدار الداخلي: 171
تاريخ الإصدار الداخلي: مايو 2018 (الطبعة الأولى)

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

ثورة مصرية تشرق إبداعا على الوطن العربي

رئيس مجلس الإدارة

ناجى عبد المنعم



اسمها الشاعر ناجى عبد المنعم
حلم 2017

رخصة مزاولة مهنة: 58365 - سجل تجاري: - 2017 / 13242 - بطاقة ضريبية: 35-01-572

عضو عامل باتحاد الناشرين المصريين رقم 941 لسنة 2018

هاتف: 01011256943 - 01116202218 - 01202541192 - تليفاكس: 020554372901

[YouTube](https://www.youtube.com/channel/UC...) [f](https://www.facebook.com/alnilwaalfourat) [Instagram](https://www.instagram.com/alnilwaalfourat) [alnilwaalfourat](https://www.linkedin.com/company/alnilwaalfourat) alnilwaalfourat@gmail.com

المقر الرئيسي: ج.م.ع. محافظة الشرقية - العاشر من رمضان - مجاورة 13 - امام سنتر الـ 13 - عقار 304

الإهداء

إلى نبع الحنان
أمى
أهديك أول إبداعاتى
بركان حنان

ابنتك
صفية نصار

بركان حنان

امي بركان حنان
واغلي هدية م الرحمن
منبع للخير والايمان
أمي هي الوطن
هي السكن والعنوان
امي الحزن الدافي
امي قلب صافي
امي بلسم شافي
من الهم والاحزان
امي بركان حنان
امي ملهاش ابداء زي

لا أب ولا اخت ولاخي
هيه لعيوني نور وضي
للكرم والجود من غير حدود فيضان
امي امي بركان حنان
امي ياحب صادق حقيقي
دعاكي رفيق دربي وطريقي
هوه مفتاح الفرج وقت ضيقي
امي اعظم صورة للإنسان
امي بركان حنان
امي نهر عمره مايتعكر
امي لسان بينقط سكر
هيه العقل اللي تملي يفكر
في لم الشمل هيه الكيان
امي بركان حنان

امي شجرة بتضلل ع الكل
أمی بتتعب كثير
بس لا بتشتكى ولا بتمل
امي نساييم للعبير والفل
امي زهرة ف اجمل بستان
امي بركان حنان
امي لو زعلتني لاي سبب
وطلعت دعوة منها بار وعتب
عمرها ماتقصد بيها غضب
قلبها بالرضا دايمًا عمران
امي بركان حنان
أمی الروح الحلوه والطيبه
مسامحه أوى ودايمًا قريبه
أمی لكل الناس حبيبه

البعيد والقريب أهل وجيران

امي ياهنايا لوتتبسم

روايح م الجنة تننسم

اه لو اقدر اوصف وارسم

ولايكفيني الف ديوان

امي عجز القلم لماكتبت اسمك انحني

وقال اوصف انسان مليش في الملايكة انا

ويكتب علي اللي ف الارض موصلتش للسماء

أعذر وقف ساكت في وصفك حيران

امي بركان حنان حب ابداء ماينتهي

إنتي القمر ولاتشبهي إنت الدنيا والجنة بتشتهي

تبقى إنتي اول السكان

ياعز ما اعطي واغلي ماخذ الزمان

امي بركان حنان

ودعتك يا أمي

ودعتك يا عز و اغلي ماليه

ياحضن الامان والحنيه

حبيبتي طال الغياب

من غيرك مليش احباب

ولا قلب حس بيا

من بعدك الدنيا هوان

عذاب قسوة وحرمان

ومهما يبعدنا الزمان

حبك حياتي و غالي عليا

حبك جنة نعيم وسعادة

مش اختيار ولا لينا فيه إرادة

حبك امر إلهي طاعة وعبادة
ووصايا في كل الكتب السماوية
ياللي صباحك ندي فتح ورودي
وصوتك لحن ونغم عودي
ودعاكي قواني وشد عودي
ياسماحه ياطيبه ياحسن نيه
انا ليل نهار بدعي ربي
اوفي جزء صغير من واجبي
اد ما علمتي وعرفتي تربي
يامدرسه نعم التعليم والتربية
علمتيني اكثر من مدرستي
عمري كله وسنين دراستي
كنتي الحكمة اللي في كراستي
واللي قرитеه في عنكي

يشهد لك ان انتي الام المثالية

يانور للقلب والعين

وانتى اغلى منهم الاتنين

يانبض زايد للحنين

يامنبح الحب والاحساس فيا

زى حبك فين الاقي

ياحب طول العمر باقي

وان فاضت بيا اشواقي

مملكش غير دمع عنيا

بستناكي يامه

بستناكي يا حبيبي يامه

زي هلال العيد

تاخذيني لأحلى ضمه

والقلب يسلم قبل الايد

مشتاقه كتير انا مشتاقه

نقرب من تاني ونتلاقي

وشموع الفرحة تنور وتقيد

تعالى يلا قوام

ابوس الايادي والأقدام

وانا وعيونى نسهر خدام.

لو قلبك يبقى سعيد.

ويكفينى من الدنيا رضاكى

ويطربنى اسمع دعاكى

انا مهما اقول ياملاكي
انتي غنوة في احلي نشيد
قربي مدي وسلمي
سمعاكي من غير ماتتكلمي
ياهنايا لوتتبسمي وياسعدي بكل تأكيد
ده مش كلام دي حقايق
يابحر صافي ورايق
لوتبعدي عني دقايق
شوقي يكبر ويزيد
يارب م تحرم نيش منها
دي هيه روعي وانا منها
ولزيارة النبي حبيبك منها
ده كل منايا واملئ الوعيد

وحشاني

وحشاني ياست الكل
يانسمه هله م الجنه
ياللي عبيرك ورد وفل
قلبي في حزنك ياما اتھني
قولي إزاي اقدر اوفي
وانا كل عمري مايكفي
ياللي رضاكي كل م أتمني
ياللي عطاكي فوق الحد
لابتستني جمایل ولاعايزه رد
ياقلب كبير بيدي كتير
من غير حساب ولا عد
وكل همك سعادتنا
وراحة بالنا

واحنا ولا علي باننا
انا قلبي دايمًا محتاج لك
وعمره مانسي فضلك
نفسى تضميني لحضنك
احكي معاكى افضفض لك
علي بعدك يامين يصبرنا

إنّتي الحب

إنتي الحب بكل معنى
إنتي اصل العيلة واللمه
وانتي اللي بعدك بيوجعنا
ويحرمنا من اغلى نعمه
حبك مايتقدرش بتمن
لايغيروا مكان ولا زمن
ولا يعوضنا عنه خاله ولا عمه
حبك هو الحياة والروح فينا
بحر حنان دايم بيدينا
ودعوتك النسمه اللي بتحينا
ونور ليالينا في عز الضلمة
امي فراقك كان اصعب ألم
يعجز عن وصفه القلم

نار قايذة وجرح لاطاب ولام
موتك موتني كان اكبر صدمه
نفسى اسلم وابوس يدك
واشم العبير من علي خدك
لوتعرفي حالي ايه من بعدك
يامه ياما انتى وحشاني يامه

بدعي يارب

بدعي يارب ماتحرمني

من حزن دافي وقلب صافي مطمئني
في الفرح تقاسمني في الحزن تشيل عني
دي هية امي وانا حياتي منها
ياغلي الحبايب يامي
حبيبتي روعي ودمي
طول ما شيلاني بتسمي
خايفه عليا وانا جوه حننها
هو في بعد حزنك امان
ولا لينا في الدنيا غيره مكان
ده هوه السكن والعنوان
دي ضمتك اصل الحنان
وجنة الدنيا في رضاها وطيبة قلبها

عدي عام

عدي عام علي رحيلك ومر
مادقت اصعب م الفراق ولا امر
بس انا راضية لانه قدر
سبحان من حكم وامر
مكنش بايدك يامي رحيلك
ولو بايدني اخذ من عمري واديلك
وحشني صوتك ووحشني صوتي
وانا في كل وقت بنادي لك
الادان يامي فجر ظهر عصر
بدعيلك يامي وبدعي يارب صبرني
علي اد غلاوتك واد مابعدك كسرني
وعلي اد الهم اللي عشش في قلبي
حتي في عز الفرحة الحزن أسرني
ترغرغ عيوني غصب عني الدمعه تفر
بضحك كثير بس جوايا مقهوره

حتي الضحكه بقت مكسوره
لالها طعم ولامعني اهي صورة
شبه الايام اللي من غيرك بتمر
بكي عليكي طوب الارض لغيابك
والأطفال بتسأل ويوماتي تدق بابك
فين نبع العطاء والامان نبع الحنان
ودموعها بحور بتغسل اعتابك
والشمس غابت وانطفي ضي القمر
بكي عليكي الشجر حتي الطير
وبموتك قل من الدنيا الخير
كنتي الحياة لما كان في حياه
وموتي لما مات في الناس الضمير
والحال من بعدك ياغاليه مبقاش يسر
بتمنالک يا حبيبہ الجنة والنعم
وعفو رب كريم ورحيم

وانا بحرقتي وجرحي الأليم
هاصبر وبإذن الله في الجنة
هنتقابل مهما طال الال العمر

يارب سامحني

يارب سامحني وساعدني اتوب

واغفرلي انا كلي ذنوب
واحلني راضي ساعة القدر
والهمني الصبر صبر أيوب
انا بشر مش معصوم
عيبني ضعفي ونسياني
يارب اعوذ بك من الشيطان
وغدر وظلم بني الإنسان
وابعدني عن الرياء والعصيان
وارحمي وقوي إيماني
يارب اغنيني بفضلك عن من سواك
واكفيني ذل السؤال الا لعطاك
واملا قلبي بنورك ورضاك
وخلي ذكرك عطر فمي ولساني
يارب اجعلني خاشع وبحمد نعمتك

وان كنت بطمع ادخل جنتك
مش بعلمي بحسن ظني في رحمتك
ووعدك الحق يا علي واعلم بكياني
ونبيك حق والفا صلي ع النبي اللي
للحق وللقران والسنة خد باليدي وهداني

سبحان الله

سبحان الله وبحمده

خفيفه على اللسان

سبحان الله وبحمده

حسنا تملئ الميزان
وتفتح لك للجنة ببيان
دي حاجه بسيطه خالص
لو تقولها بقلب خالص
مليان خير وايمان
وصلي علي النبي كثير وزيادة
دي صلتك بالله هيه سر السعادة
وادعي يثبتك علي طاعة الرحمن
صلي الحق نفسك من دلوقت
وبسرعه او عي يفوتك وقت
ولو في الصف الأول سبقت
هتكون برضاربك كسبان

الحمد لله

الحمد لله علي نعمة الاسلام
ودي اغلي نعمة لوحدها كفايه
بسم الله تشغي من الآلام
لوهتقرا حرف من كل أيا

الحمد لله علي نعمة اليصر
الحمد لله عدد كل البشر
الحمد لله عدد حبات المطر
الحمد لله نور وهداية
الحمد لله علي نعمة الكلام
والصلاة والسلام على خير الانام
الحمد لله عليها نصحي ونام
واستغفر الله من الذنوب والخطايا
يارب انا برجو غفرانك ياالهي
وان كنت بعدت عنك واناساهي
مش بقصدا غلط ولا متعمد اكون لاهي
وبطلب وانا كلي خجل وذل عفوك
يا رب ارحمني و اقبل صلاتي دعايا

بركان وانفجر

ياناس ليه بتلومو عليا
وتحملوني فوق احتمال البشر

هوه النصيب ده بايدينا
ولا انا ممكن امنع قدر
مين منا غير مكتوب
ليه بتجرحو في قلوب
لسه بداوي اللي انكسر
انتو ايه بركان وانفجر
انا ياما كنت بقرب
وانتو اللي بتبعدوني
ولا كان املي اني اتغرب
وانتو اللي تلوموني
وكاني قلبي من حجر
انتو ايه بركان وانفجر
ملقتش حزنكم ضمني
وانا محتاجه للحنان

ولا قلب طيب حبني
واحس وياه بالامان
وانا بحبكم قلبي انفطر
وانتو بركان وانفجر
ياريت إحنا اللي بنختار
كنا اخترنا احلي حياة
ولا عشنا يوم في نار
وخلينا الغضب وقساه
كأنه بركان وانفجر
رضينا بالهم

احنا رضينا بالهم
والهم بينا مش راضي
بكينا بدل الدموع دم

لكن حكم القدر قاضي
شفت بعنيا كاس الهنا
ولما قولت اشرب انا
طلع الكاس فاضي
صبرنا كتير يازمن
وشربنا مرك سنين
وضاعت حياتي تمن
واغلي الناس قاسيين
لابتقدّر حاضر ولا ماضي
واحنا رضينا بالهم
والهم بينا مش راضي
حياة من غير امل
كدب والصدق مفيش
وعمري كله يأس وملل

واحرزاني دايمًا مبتنتهيش
حتي الأبيض فيها رمادي
اللي افكرته لجرحي يطيب
باعني بالرخيص ونسيني
وبقول غالي حنين وقريب
اتاري صابك العمي ياعيني
دي العشرة بتهون وكله عادي
رضينا بالهم والهم بينا مش راضي

كفايه تقل ودلال

حاسب ياللي ماشي بتتدلع
وسايق قوي في الدلال
وانا قلبي م الشوق

هيولع واحنا مش ع البال
يا ابو العيون يتقال فيها
مية غنوة والفين موال
كفايه بقي تقل ودلال
نظرة ع الماشي حس بيا
انا سامع دقة قلبك م الحنيه
وحياة عنيك العسليه
ماتشمت فينا العزال
وتقول قلبك رق ومال
كفايه بقي تقل ودلال
وحياتك يا جميل انا مش قدك
قبل ما اقرب واقطف وردك
من طرح الجنابين علي خدك
قولي لأبوكي انا قصدي حلال

طالب الوصال كفايه تقل ودلال

هكمل معاك

انا عايزة اكمل معاك
لولسه في حياتي حياه
مقدرش اعيش إلا بهواك

ومن فاته حبيبه تاه
وضل الطريق زي الغريق
محتاج لطوق النجاه
حبك بالنسبة لي زي الميه والهوى
ولجرحي بلسم ودوا
قلبي العطشان من نبعك ارتوا
ورد روحه وصحاه
حبك عيشني عمر تاني
والماضي بحاول انساه
وياريت كمان ينساني
مش هفتكره ثواني
هفتكر حبك اللي
خلى حب ومعني للحياه

يرضي مين؟!!

يرضي مين عمايلك ديه

يرضي مين ظلمك ليا

توعد وتخلف واقابلك بتخلف

مش طبعك آسيه ودايب حنين

طب هو فين ويرضي مين

صدقني خلاص مليت
من كتر ما قسيت
وكرهت الحب اكثر م اتمنيت
وندمت علي حب السنين
وده يرضي مين
مبقاش في العمر باقي
تحير قلبي واشواقي
ليالي بعاد وثواني تلاقي
وأجيب الصبر منين
وده يرضي مين
معقوله يا حبيبي فتواني ودقايق
هطفي نار شوق تشعل حرايق
ده صعب جدا وشيء يدايق
وميصحش ابدا في دنيا العاشقين

وده يرضي مين ظلمك ليا
بتوعد وتخلف واقابلك بتحلف
مش طبعمك آسيه ودايب حنين
طب هو فين وده يرضي مين

إديتك فرصه

انا اللي اديتك فرصه
تلعب دور البطوله
وكتبت لك اجمل قصة
وانت لسه سنه اولي
وهوه ده كان ذنبي

اديتك حق ف قلبي
تحكم وتأمر بكل سهولة
بس طول ماانت اناني
مش هتفضل في مكانك
وهيجي يوم وتكون الثاني
ولا هيدوم لك زمانك
بص للدنيا بنظره معقوله
ماتقابلش حبي بالجحود
وتملى قلبك بالغرور
وتعلي ماينا الحدود
وتقفل كل طريق للنور
وتقطع حبال بالود موصوله
افتكر انا طلعتك فوق السماء
وعملتك نجم من البداية

وباسمي اخدت اوسمه
بأيدي اغير في النهاية
ومتكونش لصالحك مقبولة

بتكره سؤالي

بتكره سؤالي عن حالك
وتخاصمني ان قلت مالك
حبيبي يا حب العمر كله
ايه بس اللي جراك
ليه تختار البعد عني
وانت عندي اغلي مني

مين اللي قساك وحرمني
فرحتي حتي بسؤالك
ليه عايزني اشتاق حنانك
ويضيع إحساسي بأمانك
وانا ياما ضحيت علشانك
ساييني في عز م انا محتاجالك
ليه يا حبيبي بتهرب من حبي
ليه بتداري ودايما تتخبى
ولو تأمر انا وقلبي نلبي
لو فكرة تخطر علي بالك

قلت لي يومين

قلت لي يومين وارجع
وادي اليومين عدو
وقلبي من حبه خاضع
ومسلم لك زي عوايده
قولت يومين وارجع
ياللي روحت وقت عدو

منايا تبص لي بصره
واملي تديني فرصه
وقلبك يوفي بوعدہ
ياللي روحت وقلت عدو
هستناك لوحتي سنين
وانا كلي شوق وحنين
لكلمة او نظرة عين
او حتي سلامي ترده
انا اد إنتظاري لمعادك
اد خوفي من عنادك
انا اهون عليا بعادك
من انكسار قلبي وصدہ
ياللي روحت وقلت عدو

خليكي يادنيا

خليكي يادنيا معايا
وتعالى مره علي هوايا
نفسى اغني وتغني غنايا
خليكي يادنيا حلوة
وسمعي لحن غنوة
يادنيا ايه بس الحكاية
انا قدامك من سنين

وانتي بتدي ناس تانين
بصي لي يادنيا بطرف عين
قبل م أوصل للنهايه
انا خلاص قربت انساكي
واهرب من سجن هواكي
يادنيا ايه اللي خلاكي
لا حاسه بيا ولا سامعه ندايا
ماتيحي يا حظ بقي وصالحنا
وان كنا غلطنا في حقك سامحنا
وانصفنا مره م الظلم ريحنا
وافتح لنا صفحه جديده م البدايه

ياناكر الجميل

ياناكر الجميل متمرش فيك المعروف
بكره تندم وياما بكره تشوف
وانا خايف عليك وبموت م الخوف
من غدر الزمن وعذابه
وقسوة قلبي اللي معملتش حسابيه
كان فيه حنان فايض يكفي الكل
لا عمره شكى ولا بكى ولا يوم مل
اتحمل عشانك كتير وشاف الذل

وبرضو اهون من جرح احبابه
الف خساره علي سهر الليالي
وعلي حبيب بفتكره غالي
بتمنى انساه ويروح من بالي
ويحرم عليا لومه وعتابه
إنت اخرك مع قلبي انساه
ليك عين تطلب رضاه
مسمش صوتك ولاحتي صdah
وافرح بجرح قلبي وطول غيابه
ارجع روح مطرح ماجيت
انسي إنك في يوم حبيت
ولو شفتني بالدمع بكيت
رميتك من قلبي وقفلت بابك

خايفه تكون ناسيني

انا خايفه لتكون ناسيني
وحبي مجاش علي بالك
وانا كل شوقي وحنيني
اسمك اوحتي ألمح خيالك
حبيبي كفايه بعد بقى
من أد ايه قلوبنا متفرقه
حبيبي هوه صعب اللقا

لو قلت انا محتاجه لك
عايزه اشوفك ونشوفني
تملي كدة تكسفي
وكأنك خايف تعرفني
وانا قلبي ياما ندهلك
حبيبي اسمعني بقلبك
بص في عنيا وانا جنبك
من قبل ماتسأل هتجاوبك
هتقولك عاشقك وبحبك
مش ذنبي إنك مسمعتيش
اكيد انت معرفتيش
ولو قلبك لسه محسنيش
مش من حقي اتمني وصالك

ما قدرش اتحمل

فراقك كان صعب عليا
ولا من غيرك ممكن اكمل
حياتي وانت بعيد عن عنيا
سبنتي للايام وحدي ودموعي جرحت خدي
ولا مرة قلت اعدي
اسأل قلبك فين الحب و الحنيه
هوه يادوب بس كلام ولا حلم من الاحلام

ليه صحيتني منه قوام
كنت خليني أحلم شوية
مستكتر حتي الحلم كمان
ومليش في قلبك مكان
وعمري كله وحيي هان
ولا حاجة بتفكرك بيا
وتخليك ترجع لي تاني
وتقول يا حبيبتي وحشاني
لوسهل عليك وهتقدر تنساني
موت إحساسي وحبك فيا

قولي ازاي؟!!

قولي ازاي ابعء وانساك
واناعشت عمري لحظة لقاك
وحياتي تسوي ايه من غير هواك
في حاجه مقدرش ابعء عنها
ولا من حقاك تحرمني منها
زي قلبك اللي حبني
زي صوتك اللي شدني

زي حضنك اللي ضمنى
انا بلقى روى معاك
حبيبي ماتكونش انانى
وتقول هاتبعد عشان تنسانى
بعد ماحبك جالى صحانى
صحي الحنين فيا وانا بستناك
ولو هتبيع إنت هاتخسر
وان قلبك طاوعك
وع البعد هاتقدر
انا من غير ماها فكر
رغم الحب هابعد وانس

لسه بحبك

انا لسه بحبك لسه

وصعبان عليا انسي

وقلبي مستني همسه

نفسه يسأل عامله ايه

وكل ما اقول اسأل واعرف

اخاف اسمع صوتك أضعف

ومهما اقول مش ممكن

اوصف انا قلبي مقدرش عليه

وانت خلاص مش نصيبي

ولا من حقي اقول حبيبي

ومهما تبعدني عني وتغيبني
إنت قلبي وساكنه فيه
شوفي من اد ايه متفرقين
عدت علينا ايام وسنين
نفس الشوق نفس الحنين
لامل قلبي ولا قل احساسي بيه
حبيبي بتمنالك السعادة مع غيري
يمكن بكده يرتاح ضميري
مش بايدي اختار مصيري
ولا بايديا انسي انسي إزاي وليه

أنا بسأل

انا بسال عليك لاني
حساك ان إنت مني
ولو احساسني خاني
مش هالومك ولاهزعل
ازعل منك ازي وليه.
دي غلطي وده ذنبي
صدقت احساس قلبي
انا بلوم روعي عليه
اكيد لو كنت مكاني
لايمكن تفكر تسال تاني
هتبعد يا حبيبي وتنساني
قول بصراحه هتعمل ايه

انا بعمل كل اللي في خيالي
ويخليني مش واخده بالي
حبيبي ساكن برج عالي
ايه بس يوصلني ايه
يمكن من نظرتة ليه
ولا لمسة ايديه بحنيه
ولما فاض الشوق بيا
افتكرته اناشوق عنيه

إنسي الماضي

حبيبي انسي الماضي وعيش
وسيبني في حالي متفكرنيش
وعن كيائي ياريت ماتبعدنيش
انت تاني قولي ليه راجع
هتحيي الأمانى وتصحي المواجه
بحلفك بكل غالى متكلمنيش
انا بقالى حياة تانية
وحب مالي عليا الدنيا
مقدرش ابعدهم ولا ثانيه
زوهور حياتي ونور عنيا
وغيرحبهم انا مليش
هما دول كل حبايبي
وفي ابتسامتهم فرحة قلبي

طول ماهما عايشين جمبي
اي حب تاني مايهمنيش
يمكن من وقت لتاني
بلقي روعي ليك واخذني
والفكر معاك يسرح ثواني
واكتر من كدة مفيش
حبيبي لو صدفه اتقابلنا
ننسي كل اللي كان بنا
ومهما الشوق يحايلنا
لازم نقوي عشان نعيش
حبيبي انسي الماضي وعيش

معرفةش إيه

معرفش ايه اللي مخليني
انسى معاها عمري وسنيني
اول عنيتها ماجات في عيني
حسيت شوقها بينادينني
علي طول القلب سلم
من قبل حتي ما تتكلم
الخطوة بتسبق حنيني
واجري قوام ارواح لها
حبيبتي القلب حبها
وشاف الدنيا في قربها
لو ثانيه بس تكفيني
بتصحي فيا حاجات
وحنين قلب بفتكره مات

اتاري لسه فيه دقات
بتقول للحب من تاني احيني

غلطانه

انا غلطانه والحق عليا
حببت قلب مكنش ليا
حبيبي انا مش انانيه
ولا عايزه اخذك منها
انا بتمنالک السعادة
واكثر من كده وزيادة
خليك معاها وطمن قلبها
ارجوك بلاش تظلمني
وسمعي صوتك طمني
وكفاية لومره تكلمني
لو كل كلامك عنها
انا مرضاش تنسي عمرک
واللي عاشت حلوك ومرك

وهيه كانت رغم امرك
وكننت إنت أملها وحبها
شوف ايه اللي ممكن تعمله
الذنب ده مقدرش اتحملة
مشوار ولا يمكن اكمله
مقبلش اكون سبب جرحها
خليك معها وطمئن قلبها

هاكيب عن جرحى

انا هكتب عن جرحي والمي
مش بحبر ولا بيك إنت يا قلمي
هكتب بدمع العين واقول همي
علي حبيب غالي كان امل بكره
ازي كده بتهون العشرة
يبيع الذهب ويشتري قشرة
بات قلبي حزين مجروح
وانت لابتسمع ولا بتقرا
الخيانه بتجري في دمك
وبكيا لاثر فيك ولا همك
دنا لما بشوفك قبل ماتشكي همك
بحس بيك من اول نظره
اد كده بتهون العشرة
غدرك كسرني وحنى ضهري

قتلني ومن عذابي نفذ صبري
ومهما قال قلبي وفكري
جوايا اكثر من كده الف مرة
اد كده بتهون العشرة
انا اللي كان حضني السكن والدار
سبته ليه لما الزمن عليا دار
ورمتني وسط العذاب والنار
اسمي عايش بس ع الذكرى
ادكده بتهون العشرة
افتكرتك سندي في دنيتي
وعمرك ماتتخلي عني ف شدتي
ولاتفوتني يوم اعاني من وحدتي
اه ياغربتي ادايه طعم القسوة مره
هوه انتو بتسألوا
هوه انتو من امتي بتسألوا

ولاتعرفو اد ايه مشتاقين
ومكنتوش ترحلو
بعدهما تصحو فينا الحنين
طب كنتو ليه بتقربو
لما انتو من لقانا بتهربو
جايين تتسلو وتلعبو
طب هنبعد ويالا اشربو
من كاس الهجر سنين
مش انتو ابتديتو
وبعتو فينا واشتريتو
وظلعتو من اصلوكو ونسيتو
واحنا عملنا بااصلنا لسه فاكرين
ارحلو مع الف سلامة
كنتو بتتحايلو كتير وياما
لكلمة منا او حتي ابتسامه
ولا نظرة بطرف عين

جبتو اخركو مناش طولت بال
والصبر قليل وعلی اد الحال
لاعتاب ولا ملام وفرو السؤال
وكثر خيركم إحنا كده مرتاحين
هوه انتو بتسالو
هوه انتو من امتي بتسالو
ولا تعرفو اد ايه مشتاقين
ومكنتوش ترحلو
بعدهما تصحو فينا الحنين
طب كنتو ليه بتقربو
لما انتو من لقانا بتهربو
جايين تتسلو وتلعبو
طب هنبعد ويالا اشربو
من كاس الهجر سنين
مش انتو ابتديتو
وبعتو فينا واشتريتو

وظلعتو من اصلوكو ونسيتو
واحنا عملنا بااصلنا لسه فاكرين
ارحلو مع الف سلامة
كنتو بتتحايلو كتير وياما
لكلمة منا او حتي ابتسامه
ولا نظرة بطرف عين
جبتو اخركو منناش طولت بال
والصبر قليل وعلي اد الحال
لاعتاب ولا ملام وفرو السؤال
وكتر خيركم احنا كده مرتاحين

العيش والملح

هوه العيش والملح ملوش حساب
تعمله خاطر وتفتحي للحب باب

انا قولت كلمتين من باب العتاب
مكنش قصدي از علك مني
ولو قادر ع البعد عني
يبقي مكناش ابدا احباب
اللي بيحب عمره مايقسي
ولاقلبه بيستغني ولاينسي
احنا هنعيدو تاني لسه
وتعمل مشكلة من غير أسباب
إنت كده تملي ظالمني
ولامرة جيت علي قلبك
وقلت من نفسك تكلمني
وانا قبل ماتفكر تسألني
بتلاقي عندي الجواب
حبيبي ايه بس اللي غيرك
مش عايزة بكره افكرك
خاف عليا انا بحدرك

وخاف مني لو تطلع كداب

ياريت

ياريت قابلتك من زمان
من قبل الزمان بزمان
ولا عشنا يوم في ندم
ولادوقنا من كاس الحرمان
بس يا خساره لقانا اتاخر جد

ووصلنا النهاية من قبل ما تبدأ
وانا في الحياة عندي مبدأ
والحب يعني احساسى بالامان
حبيبي ياريت ما كنا اتقابلنا
ولا يوم للحب سلمنا
ياريته الحب ماكان
لا نخرج بعمرنا من تاني
ولا نعيش غير امانى
أيام م الزمن غوانى
تعمل ايه لقلب سنين عطشان
دي حاجه يادوب بتصبر
وتشوقنى لحضنك اكر
وتخلينى طول الوقت بفكر
وخيالى معاك في كل مكان
بس مش دي الحقيقة
ولا بقول قلوبنا بريئه

نفسها تعيش الحب لودقيقه
حبيبي هوه باقي اد اللي كان
ياريت ياريت

انا قلبي مكذبش

انا قلبي مكذبش عليا
هايجي يوم وتفكر فيا
اللي بيها تسال تاني
وتقول يا حبيبتي وحشاني
وادوب انا في اجمل معاني
هتيجي كده من نفسك

ومن نار شوقك اسمع همسك
يامالي قلبي مين يقدر ينافسك
ياغلي حب نور حياتي ولياليا
كنا بنعلم كل العشاق
ازي تعرف تحب وازي تشتاق
وبعد مانحب يبقي نصيبنا الفراق
واتحرم من حزن الامان والحنيه
بس انا مش هياس دي رسالتي
اكتب واوصف قصتي وحكايتي
بس مش هسامح علي حساب كرامتي
ولا ترخصلك ابدأ ابدأ دموع عنيا
مش انا اللي انجرح واقول عادي
ولا هضيع باقي عمري ع الفاضي
ولو شايفني كده طبعي هادي
قلبي نار لو ايدك تلمس ايديا

المؤمن دائما متصاب
ومصيبيتي كانت هيه
حبيبيتي قلبها دائما كداب
والكذب زي الهوي والميه
بتمثل دور البرينة
في الاقناع لها الف طريقه
اصلها شاطره دي حقيقة
لو امتحنوها تجيب النهائية

حلوة خالص والكذب عيبها
ومحسوبكو ميت في دبا دييها
وكل غاطه مني تحسبها
هتجنني دي حاجه مش طبيعية
ياريت حد يقول لها
تغير شويه من طبعها
مش بعد قلبي ماحبها
تتعلم القسوة فيه
ساعات الاقيها طيبه
وساعات عصبيه ومتعبه
ولو اقسى عليها تزعل
واخاف انا عشان دمعتها قريبة
ودموعها دي غاليه عليا

إنتي حبيبتي

لو حتي عن عيني غيبتني
إنتي روعي وانتي حبيبتني
مكانك جوه القلب
وجوة القلب سكنتي
اوعي تقولي ان انتي بعدتي
انا شايفك بحنيني واشواقي
وسامعك م الهمس الباقي
ولما بقابلك بلاقي

ولايوم عل البعد قدرتي
حبيتي حلمك اوامر ووعد مني
اطلبي من عنيا كل ماتتمني
عايز اشوف عيونك بتغني
م الفرحة لما تسمع سيرتي
وتلقي في حصني راحتك
وانسي لو مره جرحتك
وانا من قلب سامحتك
وحقك عليا وانتي غلظتي
لما تقولي قلبي نسي وعده
ولا كان قاصد بعده
ولو في القسوة زاد عن حده
من خوفي عليكي وغيرتي
حبيبتي إنت دايما سبقتني

من قبل ما قول وحشاني
اشوف عيونك حضناني
اقول ده مكانك وانتي رجعتي
انتي حبيبتي

عايزه اقولك

انا عايزة اقولك وحشتني
بس لا،، عزة نفسي تمنعني
انت في كبريائي جرحتي
واعتزازك لاهيفدني ولاينفعني
ولو جرحي انا سامحتك فيه
جرح قلبي مقدرش عليه
ورافض حتي يسمعني
جي ببساطه كده وبكل هدوء
تقولي دايب حنين وشوق

انا ممكن انسي غدرك
لاياحبيبي اصحي وفوق
مش انا اللي تشتري فيا وتبعني
وانت زيك زي اي حد
ولاشايفه إن انت اد
لاجبت لي نجمه م السماء
ولازرعت الارض جناين ورد
كنت باسم الحب بتخدعني
وانامن حبي ليك صدقت كلامك
وبضعف قوي وانا قدامك
وافرح لما اشوف عنيك
ضميني خليني احس بكياني
انا شوقي بكي القلب قبل العين
نفسي اشرب من نيلك

وارجعلك من تاني اغني لك
وبأعلي صوت اغنيك
انا دايب عشق وحنين
نفسى ارجع وتأخديني
جوه احضاتك تدفيني.
وبترابك احل عيني ياللي ترابك كحل العين

يالوز مقشر

ياحلو يامدلع وسابق سنك
ياورد علي فل مفيش منك
لوغبتي عن عيني ثواني
اموت انامقدرش ابعد. عنك
ياعسل ابيض معجون بالقشته
جمالك كده عدي الحدود
خايف عليكي وربنا المعبود
سبحان الله ابداع وصور
طابع الحسن علي اجمل عود

اللون الأسود هياكل منك حتة
يافرز اول ملوش تاني
خلاص انا هيجن جناني
وهاقول لكل الدنيا
البت دي حلوة وعجباني
مفيكش غلطة
في عيونك غنيت موايل
وعشانك يهون الصعب والمستحيل
بس تحني عليه ولو شوية
وتخلي قلبك يعطف ويميل
وشوفي انا بستني من امتي
هاروح لابوكي مهو جاري
واقوله عن الشوق المداري
ولو طلب مهرك نور عيني

ميغلاش عليكي بعمرى اناشارى
وهاجيب الشربات والتورته

الف ماشاءالله

الف ماشاءالله عروستنا جميلة
الليلة دي والله دي اجمل ليلة
فرحين متجمعين صحبه وعيلة
جاينين يباركو فرحتي وهنايا
انا شايفه كل الدنيا مبسوفة
م الفرحة بتحكي حدوته
ياحبايب سمعونا زغروته
حلوة وعقبال عندكم ياصبايا
عروستنا مشغولة ليه كده سارحه
لايق عليكي الفستان والطرحه
ع الخدود جناين طارحه

زي القمر لوحدك حكاية
من غير زينه ولا نور
دي عيونك نجف بنور
يغير منك بدر البدور
ويقول عنك في الادب ايه
ويابخت عريسك مكتوبه له
الدنيا تضحك وتصفي له
حظه م السماء وامه دعياله
اقول تاني ولا كده كفايه
يام العروسه بخري وارقيها
من حسادها صلي وسمي عليها
خمسه وخميسه ويارب احميها
والف ماشاء الله قولو معايا

يحيى عمري

تعالى جوه قلبى تلاقى
قلبى لىك فرش و غطاء
تعالى وطفى نار اشواقى
يا اعلى هدىة من رب العطاء
تعالى لحضن ملían حنىه
تعالى يافرحة سنينى الجايه
املا كل حىاتى سعادة و زقططه
يحي عمرى من اول و جديد
يحي منايا و املى الوحيد
يحي بحبى و تملى يزىد
ويكبر و يارب اشوفه عرىس
وعروسته حلوة مقططه
كنت فىن يا حببى غايب

وانا شوقي شوق كل الحبايب
اتاري ليا في الفرح نايب
وحظ جميل ونصيب كبير
مش حته ز غنطه
الدنيا بوجودك ضحكت
وشمس الامل طلعت
وكل الطيور غنت فرحت
اول ماشافت ابني حبيبي
ع الارض حبي وخطي
يارب اعيش واشوف ولاده
وشموع سبعوهم باليديا ينقادوا
واعز من الولد اشيل ولاده
في عنيا وقلبي وع الكتاف متشعبطه

صلوا ع النبي

ياصلاة الزين علي ست الحلوين
والحارث الله من شر العين
من عين امك ومن عين ابوكي
ومن عين كل اللي شافوكي
ولا صلوع النبي متصلوع النبي
حبيبي يا احلي واجمل بطه
في عين الحسود نار وشطه
كبرتي وبقيتي ست البنات
واحلي م السكر النبات
وخلص انانولت منايا مطلبي
خمسة وخميسة وصلوع النبي
يارب يا حبيبي يحميكي
ويحفظك ليا ويخليكي
وتحقي احلامك واحلامي

خدي من عمري وايامي
وكملي مشوارك يارب ماتتعي
خمسه وخميسه وصلو ع النبي
خلي العلم سلاح في ايدك
وبالادب والايمان ربي يذيدك
والسعد يبقالك صديق
والامل نور لكل طريق
وياحزان اوعي تقربي
خمسه وخميسه صلوا ع النبي
بنتي حبيبتي وكل امننا
ياوردة منوره بستانا
يااول فرحة انا شفتها
ياحلي كلمه غنوة سمعتها
كلمة ماما وانتي بتلعي

الفرحة عرفت سكتي
وبيكي اطلوت دنيتي
ياللي مغبش اجمل منك
ياقمر 14 ده سنك
م النهارده ده لوتحسبي
مبرووك حبيبتى نجاحك
ويارب كتر أفراحك
وكل الحبايب تيجي تهني
وده يوم المنى ياحته منى
يوم زفافك هارقص اغني
ومن كاس الهنا املي واشربي
خمسة وخميسة وصلوا ع النبي

ياروحي طيري

ياروحي طيري رفر في
بسرعه قوام واخطفي
بوسه من خد الجميل
وتعالى قولي واوصفي
شفتي في جماله حد
ولا زي خدوده الورد
بتقول للقمر يالا اختفي
انا جيت واخذت مكانك
وخلص بقي راح زمانك
واداره حبه د عشانك
لو شفت نوري هتتظفي
حتي الشمس نورها شويه
بتغيب لما بتشوف عنيا

و بتسال كل الدنيا عليا
النور ده جالنا منين لوتعرفي
ده غطي علي نورنا كلنا
نور سمانا وملا ارضنا
هاتي له وردة هدية مننا
ومن اجمل بستان يالا اقطفي

يا واد عمي

يا ود عمي ليه تغدربيه
تروح البندر تحب عليه
هو الدم خلاص بقى ميه
وهان عليك دمعي ودمي
غرك البياض والحمار، ع، الوشوش
ولا شعرها الاصفر المنكوش
صدقني ياود عمي ده جمال مغشوش
،، متعلم ولساك امي
اناحلوه وجمالي رباني
وعنيا سود عيون غزلاني
وان كنت سمره من شمسي وغيطاني
افتكرتك خابر وشايل همي
ياود عمي ليه تطعن قلبي

وليه تخون وتبيع حبي
مقلتش بحبك وده مش ذنبي
دي وصية ابوي وامي
انت خابر تقاليدنا وعاداتنا
وراسي على عيشتنا وحياتنا
والكلام مش هيرجع اللي فاتنا
ولا ع ينسني جرحي والمي
جرحك كان وجعه صعب واعر
وقلبي علي كرهك مش قادر
حتي لما عرف انك غادر
مهونتش عليه ياود عمي

لمسة إيديك قالتها

وانت ليه مابتقولهاش
هيه كلمه بيها الحياة تتعاش
حبيبي استني ايه تاني
العمر لحظة بيمر زي الثواني
ولو سنين في حبك متقضناش
ماهي نظرة عنيك بتقول
كلام كتير وشرحه يطول
غير حياتي وانت المسؤول
عن قلبي اللي راح ولا جاش
بقي حبك بيجري في دمي
لما لقيت همك ما هو برضوا همي
قولت لو نقسم الحزن ما بينا
هيبقى فرحه يا ابن عمي
ودنيا من غيرك ماتحلاش

تعالی نعیش ماضیعیش وقت
النهارده قبل بکره یاریت دلوقت
الحب حلم جمیل وانا ماصدقت
القدر یجمعنا احنا مخطرناش

أمي يا أجمل إسم أنا برده شعر : فاطمة عمار

يا احلي فجر بيهنالي في طلعته
ياحضن مفيش ابا في حنيته
امي ياغلي عندي من نفسي
لما بشوفك انسي همي وياسئ
جوه حضنك بلاقي نفسي
هيه الجنه ايه احساسي بضمته
امي بوجودك الحياة حلوه وتحلالي
إنتي كل الحب ولا بتروحي عن بالي
دايما شايله همي وحاسه بكل حالي
قلبي بيحسك وطن وتبعدي يقول ياغربته
يامه ياكلمة اتقالت في يوم مشهود
يالحن غنوة اتغنت علي عزف عود
يااحن ام بتغمرني بدعاها في كل سجود
يارب يخليكي يامه وبيكي تكمل فرحتي

السيرة الذاتية



من مواليد السكاكيني بالظاهر

كان والدها إمام مسجد بالظاهر

ولدت من جذور صعيدية

بقرية زرنبخ. مركز إسنا. محافظة الأقصر

هي أول من أسس ندوة ثقافية بقصر ثقافة منشية ناصر

في عهد جودت سباق رئيس قصر ثقافة منشية ناصر حينها

أول من حصل على شهادة تقدير على ورق البردي

لها لقاء على قناة أي بي سي
ولقاء في برنامج أيماننا الطوه ومداخله على قناة المحور
نشرت لها العديد من الصحف منها. جريدة الحره اليوم
وجريدة الوطن والعربي الناصري ونصف الدنيا
لها كليب مصور من الشئون المعنوية للقوات المسلحه
باسم خلفتي يامصر ألحان الفنان حسن دنيا..
وأغنية للأم من ألحان حسن دنيا

محتوى الكتاب

2	بطاقة الكتاب
3	الإهداء
4	بركان حنان
8	ودعتك يا أمى
11	باستناكى يامه
13	واحشائى
15	انتى الحب
17	بدعى يارب
18	عدى عام
21	يارب سامحنى
23	سبحان الله
25	الحمد لله
26	بركان وانفجر
28	رضينا بالهم
30	كفايه تقل ودلال
32	هكمل معاك
34	يرضى مين
36	اديتك فرصه
38	بتكره سؤالى
40	قلت لى يومين
42	خليكى يادنيا
44	ياناكر الدنيا
46	خايفه تكونى ناسيانى

48	ماقدرش اتحمل
50	قولى ازاي
52	لسه بچبك
54	أنا بسأل
56	إنسى الماضى
58	معرفةشى إيه
60	غلطانه
62	هاكتب عن جرحى
64	هوه انتو بتسألوا
67	العيش والملح
69	ياريت
71	أنا قلبى ماكدبش
75	انتى حبيبتى
77	عايزه أقولك
80	يالوز مقشر
82	ألف ماشالله
84	يحي عمرى
86	صلوا ع النبى
89	ياروحى طيرى
91	ياواد عمى
93	لمسة إيدك قالتها
95	شعر فاطمة عمار
97	السيرة الذاتية
99	محتوى الكتاب